



SKOOLDRAG VAN 'N PARKIE

Ouers word versoek om die voorgeskrewe skooldrag by die amptelike leweransiers, **Constantia Uitrusters** (Thomas Edisonstraat, Menlopark), aan te koop. Dit bring eenvormigheid wat absoluut noodsaaklik is. Ouers sal vind dat, kwaliteit in ag geneem, die beste waarde by die leweransiers verkry word.

DOGTERS:

SOMERSDRAG

1. ROK: donkerblou sesbaan-prinsesstylrok van voorgeskrewe tetrexmateriaal.
2. SKOENE: swart **standaardskoolskoene** met plat hak en met veters of bandjies.
3. KOUSE: voorgeskrewe kort donkerblou sokkies.
4. TRUIE: slegs voorgeskrewe blou, moulose oortrektrui.
5. KLEURBAADJIE: word by uitgaandrag en by somersdrag toegelaat.

WINTERSDRAG

1. ROMP: donkerblou sesbaan-romp van voorgeskrewe viscose/wolmateriaal.
2. HEMP: wit, langmou-toeknoophemp van tetoron/katoenmateriaal.
3. DAS: voorgeskrewe skooldas.
4. KOUSE: voorgeskrewe, donkerblou kuitkouse (wol/nylonmengsel) - kouslengte 8cm onder die knie of voorgeskrewe donkerblou langkouse.
5. SKOENE: swart **standaardskoolskoene** met veters of bandjies en 'n plat hak.
6. TRUIE: voorgeskrewe langmou/moulose skooltrui: **word slegs saam met baadjie gedra, NOOIT alleen nie.**
7. BAADJIE: voorgeskrewe skoolkleurbaadjie - verpligtend, ook by uitgaandrag.
8. SERPE: slegs skoolserp, gedra volgens voorskrifte.

SEUNS:

SOMERSDRAG

1. HEMP: grys kortmouhemp vir skooldrag - tetoron/katoenmengsel.
Wit kortmouhemp (op versoek vir besondere geleentheid)
2. BROEK: grys sajet**kortbroek** met syrekkies verpligtend
3. DAS: voorgeskrewe skooldas.
4. KOUSE: grys, lang kouse.
5. SKOENE: swart **standaardskoolskoene** met veters en dun sole, sonder klinknaels/ gespes. Nie stewels nie. **Geen hofskoene en dus geen skoene met versiersels/nate bo-op skoene nie.**
6. TRUIE: voorgeskrewe, blou oortrektrui van suiwer nuutwol: mouloos.

WINTERSDRAG

1. HEMP: grys, langmouhemp vir skooldrag - tetoron/katoenmengsel.
Wit langmouhemp (slegs op versoek vir besondere geleentheid)
2. BROEK: grys kort- of lang sajetbroek van wol/terylene-mengsel.
3. DAS: voorgeskrewe skooldas.
4. KOUSE: grys lang kouse.
5. SKOENE: swart **standaardskoolskoene**.
6. TRUIE: voorgeskrewe, blou langmou of moulose oortrektrui van suiwer nuutwol.
Word slegs saam met baadjie gedra, nooit alleen nie.
7. KLEURBAADJIE: voorgeskrewe skoolkleurbaadjie - verpligtend.
8. SERPE: slegs skoolserp, gedra volgens voorskrifte.
9. ANDER: geen oorbelle in skooltyd of by skoolfunksies nie.

SPORTDRAG

SWEETPAK: voorgeskrewe skoolsweetpak met tekkies kan by enige **sportaktiwiteit** gedra word. Elke sportorganiseerder reël self met sy Parkies en Parkie-ouers ivm sportdrag aangesien borge hierby gekonsidereer moet word.

ONS SKOOLDRAG IN PRAKTYK: SEUNS

1. BROEKE:

- Dra 'n bypassende **swart leergordel** by die broek.
- Die pype van die broeke moenie ingewerk word tot 'n styf, noupassende voorkoms nie.
- Geen ingeplooid broeke word toegelaat nie.

2. SKOENE:

- Slegs swart **standaardskoolskoene met veters**, wat **nie klinknaels** het of die steweltipe is nie. Skoolskoene moet dun rubbersole en geen nate bo-op hê nie. Hofskoene word nie toegelaat nie.
- Skoene moet daaglik skoon en blink wees.

3. HEMDE:

- Maak die boonste hemsnoop vas.
- Kortmouhemde in die somer en langmou in die winter.
- Langmouhemde se **moue mag nie opgerol** word nie.
- Hemde moet te alle tye by die broek ingestee wees.

4. KOUSE:

- Die amptelike kouse word by beide broeke gedra.
- Kouse moet van **dieselfde kleur as die broek** wees.
- Kouse moet te alle tye opgetrek wees.

5. DASSE:

- Dasse moet netjies geknoop word met die breë kant na voor.
- Die das moet so geknoop word dat die onderkant van die boonste deel van die das net aan die band van die gordel raak.
- Dasse mag nie afgestik word om smaller te vertoon nie.

6. TRUIE:

- Nie trui met embleme (bv. NT) op nie.
- **Truimoue mag nie opgestoot** word nie.
- Uitgerekte trui is nie toelaatbaar nie.
- Voorgeskrewe blou oortrektrui (mouloos) is toelaatbaar.

7. UITGAANDRAG:

- Wintersdrag met wit langmouhemp (of in die somer: 'n wit kortmouhemp)

8. SPORTDRAG:

- Amptelike sportdrag.

9. HARE:

- Netjiese, kort haarstyl.
- **Hare mag nie gekleur of gejel** word nie.
- Seuns, wie se baard begin groei het, **moet daaglik skeer**.
- Bakkebaarde moet kort gehou word.
- Geen haarverlengings of “dreadlocks” nie.

10. JUWELE:

- Slegs funksionele polshorlosies mag gedra word.
- **Geen** ringe, armbande of kettings word toegelaat nie.
- Geen ooringe nie.
- Slegs mediese kettings en/of bandjies mag gedra word.

11. REËNBAADJIES:

- Mag slegs op reëndae gedra word en net terwyl dit reën.
- Moet 'n donkerblou kleur hê.

12. KONTROLE:

- Gereelde kontrole sal gehou word. Vriendelike samewerking sal hoog op prys gestel word.

ONS SKOOLDRAG IN PRAKTYK: DOGTERS

1. ROMPE:

- Lengte wanneer dogters kniel - nie minder as 5cm en nie meer as 10 cm bokant die knie nie.

2. SKOENE:

- Slegs swart **standaardskoolskoene** met veters of gespes met 'n plat hak. Geen patrone of klinknaels of die steweltipe nie.
- Skoene moet daaglik skoon en blink wees.

3. BLOESE:

- Kortmoubloese in die somer en langmou in die winter.
- Langmoubloese se moue mag nie opgerol word nie.
- Bloese moet te alle tye by die romp ingesteeek wees.

4. KOUSE:

- Kort, donkerblou **voorgeskrewe** sokkies by somersdrag. **Sokkies moet omgevou word.**
- Voorgeskrewe kuitkouse of langkouse by wintersdrag.

5. DASSE:

- Dasse moet netjies geknoop word met die breë kant na voor.
- Die das moet so geknoop word dat die onderkant van die boonste deel van die das net aan die band van die romp raak.
- Dasse mag nie afgestik word om smaller te vertoon nie.

6. HARE:

- **Mag nie gekleur word nie en sonstrepe mag ook nie ingesit word nie.**
- Slegs blou, wit, bruin of swart haarbykomstighede is toelaatbaar.
- **Geen grimering** of naellak mag gedra word nie.

7. JUWELE:

- Slegs funksionele polshorlosies sonder tierlantyntjies mag gedra word.
- **Geen ringe, armbande of kettings word toegelaat nie.**
- **Ooringe: slegs knoppies (goud of silwer) of standaardringetjies (goud of silwer) mag gedra word en slegs een per oor in die onderste gaatjie.**
Geen steentjies van enige aard is toelaatbaar nie.
- Slegs mediese kettings en/of bandjies mag gedra word.

8. REËNBAADJIES:

- Mag slegs op reëndae gedra word en slegs terwyl dit reën.
- Moet 'n donkerblou kleur hê.

9. KONTROLE:

- Gereelde kontrole sal gehou word. Vriendelike samewerking sal hoog op prys gestel word.